



Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726 400  
fax. +387 33 726 423  
e – mail: [info@voda.ba](mailto:info@voda.ba)

Broj: **UP-I/21-3-40-521-4/21**  
Datum: **22.11.2021. godine**

„Agencija za vodno područje rijeke Save“ Sarajevo rješavajući po zahtjevu pravnog lica „ZRAK-OPTOMEHANIKA“ d.d. Kiseljak za donošenje rješenja o vodnoj dozvoli za ispuštanje tehnoloških otpadnih voda sa lokacije objekta samouslužne autopraonice sa pratećim sadržajima „ZRAK-OPTOMEHANIKA“, izgrađenog u mjestu Polje Višnjica, općina Kiseljak, na osnovu člana 109. stav (1) tačka 2. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98 i 48/99 ), donosi

### **R J E Š E N J E** **o vodnoj dozvoli**

1. Pravnom licu „ZRAK-OPTOMEHANIKA“ d.d. Kiseljak daje se vodna dozvola za ispuštanje tehnoloških otpadnih voda sa lokacije objekta samouslužne autopraonice sa pratećim sadržajima „ZRAK-OPTOMEHANIKA“, izgrađenog na zemljištu označenom kao k.č. broj 532/2 K.O. Višnjica (novi premjer), što odgovara k.č. broj 1409/2 K.O. Višnjica (stari premjer), općina Kiseljak.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na lokaciji objekata i pod slijedećim uslovima:
  - 3.1. Da se upotreba i korištenje predmetnog objekta vrši u skladu sa urađenom investiciono tehničkom dokumentacijom, koja je služila kao podloga za davanje ove vodne dozvole.
  - 3.2. Da korisnik poslovnog objekta za sve vrijeme trajanja ove vodne dozvole obezbjedi da se otpadne vode sa lokacije predmetne samouslužne autopraonice sa pratećim sadržajima nesmetano sakupljaju putem linijskih slivnika sa slivnom rešetkom u taložnik i internom kanalizacionom mrežom odvođe do ugrađenog tipskog separatora ulja i naftnih derivata, a zatim prečišćene priključe na kanizacioni kolektor.
  - 3.3. Korisnik poslovnog objekta je obavezan da izgrađene objekte, a čija svrha je odvođenje i prečišćavanje otpadnih voda, redovno održava i koristiti na način koji će obezbijediti njihovu potpunu ispravnost i funkcionalnost, kako bi se zadovoljio propisani kvalitet efluenta.
  - 3.4. Separator ulja i naftnih derivata, te pripadajuće objekte za prikupljanje i odvodnju otpadnih voda, održavati u ispravnom stanju, redovno vršiti njihovo čišćenje i o tome voditi evidenciju.
  - 3.5. Čišćenje, odvoz i konačno zbrinjavanje sadržaja separatora kao i prikupljanje, odvoz i konačno zbrinjavanje opasnog otpada sa lokacije predmetne samouslužne autopraonice sa pratećim sadržajima može vršiti isključivo firma ovlaštena za tu vrstu djelatnosti, prema sklopljenom ugovoru.
  - 3.6. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati ovlaštene laboratorije i sadržini i načinu izdavanja ovlaštenja („Službene novine Federacije BiH“, broj 14/10, 14/3, 26/14, 15/17, 23/17 i 41/20), vršiti redovna ispitivanja kvaliteta otpadnih voda, uzimanjem uzorka efluenta iz kontrolnog okna, u skladu sa Uredbom o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20 i 96/20).
  - 3.7. Prečišćena otpadna voda mora ostati u maksimalno dopuštenim granicama definiranim Uredbom o uslovima ispuštanja otpadnih voda u okoliš i sisteme javne kanalizacije.

- 3.8. Sadržaj (mulj) iz uređaja za prečišćavanje otpadnih voda i opasni otpad ne smije se odlagati na česticu «vodno dobro», odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1, Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 13. te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
  5. U periodu važenja ove vodne dozvole, pravno lice «ZRAK-OPTOMEHANIKA» d.d. Kiseljak je dužno provoditi sve mjere i aktivnosti propisane istom.
  6. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
  7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetne benzinske pumpe sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
  8. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
  9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
  10. Prije isteka važnosti ove vodne dozvole, Investitor, odnosno korisnik objekta je dužan da podnese zahtjev za izdavanje nove vodne dozvole.
  11. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. i 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

### **O b r a z l o ž e n j e**

Pravno lice „ZRAK-OPTOMEHANIKA“ d.d. Kiseljak obratilo se ovoj Agenciji sa zahtjevom za donošenje rješenja o vodnoj dozvoli za ispuštanje tehnoloških otpadnih voda sa lokacije objekta samouslužne autopraonice sa pratećim sadržajima „ZRAK-OPTOMEHANIKA“, izgrađenog na zemljištu označenom kao k.č. broj 532/2 K.O. Višnjica (novi premjer), što odgovara k.č. broj 1409/2 K.O. Višnjica (stari premjer), općina Kiseljak.

U provedenom postupku, uz zahtjev za donošenje rješenja o vodnoj dozvoli, dostavljena je i pregledana slijedeća dokumentacija:

- Ovjerena kopija Aktuelnog izvoda iz sudskog registra Općinskog suda u Travniku, broj: 051-0-RegZ-21-000962 od 28.06.2021. godine;
- Ovjeran kopija Uvjerenja o poreznoj registraciji, izdatog od strane Federalnog ministarstva finansija, Porezna uprava FBiH - Kantonalni porezni ured Novi Travnik, dana 04.07.2012. godine;
- Kopija Rješenja o odobrenju za izgradnju samouslužne autopraonice, donesenog od strane Službe za gospodarstvo, urbanizam, zaštitu okoliša i komunalne poslove općine Kiseljak, broj: 03-19-698/21 dana 01.09.2021. godine;
- Kopija načelne saglasnosti za priključak na vodovodnu i kanalizacijsku instalaciju, date od strane JP „Vodovod i kanalizacija“ d.o.o. Kiseljak, broj: 03/21 dana 21.01.2021. godine;
- Kopija Tehničkog lista proizvoda – separator ulja Tip ISEA AGM Italija;
- Studija vodovodne i kanalizacione mreže – Samouslužna autopraonica, urađena od strane JKP „Vitkom“ d.o.o. Vitez, ožujak 2021. godine;
- Glavni projekat samouslužne autopraonice, urađen od strane AGENCIJA „3N – KUĆA“ Kiseljak d.o.o. Sarajevo, oktobar 2020. godine;
- Dokaz o uplaćenju upravnoj pristojbi.

Postupajući po podnesenom zahtjevu, u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20), ovaj organ je pokrenuo upravni postupak, te je dana 15.11.2021. godine izvršen pregled predmetne samouslužne autopraonice sa pratećim sadržajima „ZRAK-OPTOMEHANIKA“, izgrađene u naselju Polje Višnjica, općina Kiseljak, o čemu je sačinjen Zapisnik o uviđaju broj: UP-I/25-3-40-251-2/21.

Na osnovu dokumentacije dostavljene uz zahtjev i izvršenog uviđaju na predmetnoj lokaciji utvrđeno je slijedeće:

Predmetna samouslužna autopraonica se sastoji od dva natkrivena i jednog nenatkrivenog boksa sa taložnicima i prostora za usisivač. Tehnološke otpadne vode nastaju od pranja motornih vozila, koje se prikupljaju putem slivnih rešetki u taložnike, zatim odvođe do ugrađenog separatora ulja i naftnih derivata, te nakon tretmana priključuju na kanalizacioni kolektor, kojim upravlja JP „Vodovod i kanalizacija“ d.o.o. Kiseljak, koje ne posjeduje vodni akt izdat od strane ove Agencije za ispuštanje otpadnih voda u površinske vode.

Na osnovu dostavljene dokumentacije uz zahtjev i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom, u tački 3. dispozitiva rješenja, propisani uslovi u skladu sa odredbama članova 53. i 116. Zakona o vodama, člana 12. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i odredbama člana 3. tačka cc) i člana 13. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva ispunio minimum uslova za izdavanje Rješenja o vodnoj dozvoli za ispuštanje tehnoloških otpadnih voda sa lokacije objekta samouslužne autopraonice sa pratećim sadržajima, te je riješeno kao u dispozitivu ovog Rješenja.

Podnosilac zahtjeva je uplatio upravnu pristojbu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13).

#### **Uputa o pravnom lijeku:**

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Aida Bezdrob, dipl.ing.građ.

**Po ovlaštenju  
Rukovodilac sektora za izdavanje  
vodnih akata**

  
**Haris Ališehović, dipl.ing.građ.**

PRILOG: Studija vodovodne i kanalizacione mreže – Samouslužna autopraonica, urađena od strane JKP „Vitkom“ d.o.o. Vitez, ožujak 2021. godine i Glavni projekat samouslužne autopraonice, urađen od strane AGENCIJA „3N – KUĆA“ Kiseljak d.o.o. Sarajevo, oktobar 2020. godine;

Dostaviti:

- „ZRAK-OPTOMEHANIKA“ d.d. Kiseljak, Zenički put bb, 71250 Kiseljak (sa prilogom)
- AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava